

蒼

梧

詞

蒼梧詞卷四

武進董元愷舜民撰

蘄州顧景星黃公評

同郡史惟圓雲臣閱

中調

臨江仙 第二體

過百花洲懷古用鹿虔扈韻

獨向百花洲上望。淒迷衰草連空。雞城豨巷杳無踪。
幾絲楊柳搖漾錦帆風。只有胥江江畔水。潺潺猶

響吳宮不教流入粉塘中數聲清磬細雨帶輕紅

史雲臣曰恬澹幽秀之中曲折
流麗如萬壑流泉琮琤哀玉

前調 第三體

半圓

半捲半垂簾幕半村半郭人家半開半落野棠花半
牀堆古畫半枕試新茶 半樹老藤天矯半間野屋
橫斜平分春半半春華半樽憑醒醉半枕足生涯

黃公曰一半兒詞淫調也宋人半閒堂詞諷
語也舜民半圓詞亦說不是圓滿世界耳

一亭

一閣一亭新築。一丘一壑都宜。一天風月一簾知。一窗梧影動。一榻柳陰移。有酒一壺堪飲。有書一卷堪持。一琴一鶴更相隨。一癡從我好。一醉任人嗤。

阮亭曰方牀鄴架間當懸此兩幅爲圖贊歐公六一殊不及一半竹削也

前調 第四體

憶丹霞之遊和澹歸師寄贈韻

一騎紅塵飛昔夢。片帆兩地西風到。今懷抱小芙蓉。出門終古望。吾黨素心同。天柱峰高仙子住。五絃目送歸鴻。錦囊詞句剗虛空。舊時燒佛處。只在晚霞。

中

過分水河和王仔園韻

終古靈奇恢禹績。中流河瀆平分雲。沙浩浩水粼粼。
黃牛如斷岸。白馬暗通痕。南北維舟爭報賽。九州
萬派知遵安。瀾直自到天津。河清應獻頌。海若盡稱
臣。

秋晚集唐詩

客路不歸秋。又晚。張喬孤舟日暮行遲。劉長卿綠潭紅
樹影參差。李涉荒城臨古渡。王維驚月練疎枝。王

隔年擬待春消息。王初花開花謝相思。韓偓莫愁
還自有愁時。李商寸心言不盡。錢起一種亂如絲。孟浩
然

閨憶集唐詩

好去出門休落淚。雍陶津頭日日人行。皇甫晚添山

雨作江聲。羊士幾回驚妾夢。金昌十里斷孤城。劉阜

總然一夜風吹去。司空秋河悵望平明。韓偓多情

却恨似無情。杜牧空餘庭草色。李嘉不遣柳條青。李

閨情集唐詞

開折海棠看更撚張泌前歡休更思量馮延巳小釵橫

戴一枝芳李珣野蕪平似剪馮延巳鸞鏡掩休粧薛昭

畫堂昨夜西風過馮延巳銀蟾影掛瀟湘毛文欲 攄

危檻恨偏長閻選羅幃愁獨入牛嶠紅蠟淚飄香魏承

班

秋閨集唐句

因想玉郎何處去歐陽渡頭三兩人家張泌但憑魂

夢訪天涯張泌愁勻紅粉淚牛嶠簾捲玉鈎斜溫庭

一餉凭闌人不見馮延巳芙蓉苑裏看花王建開池

初涸草侵沙

朱慶餘

金盤珠露滴

毛文錫

山掩小屏霞

魏承

班

閨望集唐句

風。裹。落。花。誰。是。主。

李中

江。潭。春。草。萋。萋。

劉長卿

巖。粧。初。

罷。囀。黃。鸝。

和凝

似。應。知。妾。恨。

聶夷中

更。與。盡。情。啼。

韓愈

終。是。疎。狂。留。不。住。

孫光憲

與。郎。終。日。東。西。

孫光憲

門。前。

楊。柳。綠。陰。齊。

馮延巳

征。帆。何。處。客。

李珣

惆。悵。暮。雲。迷。

李後

主

鄧孝威日舜老集
唐諸詞可謂無雙

子司

尺日

中調

9

蝶戀花

花朝和內

屈指春光將過半。又是花朝，花信春鶯喚。情緒繁花
花影亂。護花花下將花看。拈花笑倩如花伴。細讀
花間花也應腸斷。花落花開，花事換。編成花史山妻
管。

阮亭曰：望望春春，昔人便謂絕唱。似此一
花事，屢接珠聯，絲貫恨不使于鱗見之。

閨情集唐詩

細合釵寒龍腦凍。

李賀

衫薄香銷。

韓偓

舞怯銖衣重。

賈至 疑是落花還碧洞。趙象 銀箏夜久殷勤弄。王維

愁捻銀針信手縫。盧延翠帳雲屏。盧仝一夕秋砧

動。崔國憑仗東風好相送。李賀只應添得清宵夢。元

又

白日當天三月半。李商各自無聊。韓偓粧好方長歎

韓偓紫燕銜花向庭滿。劉元花前拭淚情無限。權德

衣帶相思日應緩。戴叔風雨蕭蕭。韓偓吹我夢魂

斷。李白今夜偏知春氣暖。劉方紗窗只有燈相伴。盧

遜

遐方怨

別情

釵影亂鬢雲橫。五更鐘易曉。一夜月偏清。匆匆未訴別離情。別離滋味又分明。芳草路短長。亭低徊千萬意。將息兩三聲。臨行細細問郎程。夢中還擬傷郎行。

賀孟循曰。夢中不識路。何以慰相思。慧心應避此一籌。

後庭宴

過東臯故址

燕麥爭飛兔葵如簇斜陽影外傷心目十年此地盛
樓臺繁華一瞬驚吹燭幾絲垂柳寒塘穩睡雙雙
屬玉樵歌漁笛恍聽當時曲草色月淒迷鈴音風斷
續

嶺南歸棹苦雨和羅弘載韻

袞袞洪濤瀟瀟暮雨春雲遮住春歸路片雲嶺外是
江南嶺中尚隔千重霧長年穩掛輕帆欲趁東風
飛去灘高溜急不放扁舟度共是別離人又添腸斷
句

黃公曰妙甚
真宋元傑作

釵頭鳳

箇儂

清光晝花陰覆箇儂悄立黃昏後携手地偏經意萬
千欲語全無一字記記記紅燭透金釵溜銷魂又
到魂銷候柔鄉味衣香氣紗窗忽曙星眸驚睇未未
未

阮亭日記字妙甚只是一箇記不得却
將三箇記字寫出愈覺全無一字也

紀遇

紗窗口。銀屏後。阿郎記得當時否。人猶在期。難再相逢。驀地却將伊背。悔悔。心頭有眉頭。皺樽前故。故持郎酒。歡相愛。嗔相礙。橫波斜送。又將伊怪。待待待。

黃公曰結句三字極難此詞二
闋俱妙令人魂絕令人色飛

唐多令

月夜代憶

香霧濕簾櫳。長波漾碧空。恨天涯、兩地難逢。一點關山人共遠。郎只在月明中。千里寸心通。尺書雙淚

鴻。封。好。將。情。緒。寄。東。風。却。恐。東。風。吹。不。去。和。妾。夢。付。歸。

天石日通首得宋人佳句非後人所能擬議

南陽道中和王仔園韻

岱色入青湖。晴光漾白鳧。映芙蓉。百里平鋪。似放若耶溪畔。棹摩詰畫。輞川圖。風景補方壺。臨流萬派舒。濯塵纓。細鑑頭顱。偏憶故園烟水外。乘小艇。泛菱蒲。

一剪梅

春怨

空。閨。無。奈。日。長。時。朝。也。遲。遲。暮。也。遲。遲。春。心。百。尺。繞。
遊。絲。草。也。絲。絲。柳。也。絲。絲。天。遣。多。情。不。自。持。嗔。也。
誰。知。喜。也。誰。知。一。回。踪。跡。幾。回。思。坐。也。堪。思。立。也。堪。
思。

椒峯曰如馨寫
怨何其浚婉

民歌

少。年。豪。氣。欲。先。民。卦。有。容。民。數。有。司。民。豈。期。編。戶。作。
齊。民。畜。我。恒。民。榮。我。中。民。長。吟。隴。畝。一。遺。民。高。陽。

才木昔
卷四
中
賤民棄陽酒民相忘總是葛天民不是堯民還是舜
民

李容齋曰遊戲神通
有安禪散聖之樂

錦帳春

看婢繡芙蓉

兩兩相扶亭亭獨立映淥水馮彝捧出影遙臨嬌欲
語似若耶初入鮫鮪還濕綵縷千絲銀針萬疊紅
潮暈黛朱添色靨盈盈情脉脉向田田池側更宜鴻
鴈

芝田曰

好看

繫裙腰

題月華裙

怪看窄地縷金花。新勻染拂輕紗。淺淡顏色隨濃淡。
彩暈交加。雲拖水月生華。五銖細熨湘紋摺。襍來
縠處偏佳。嫦娥碧海微塵步。低映晴霞。東風搖漾繡
屏遮。

齊賢曰。絢爛幽香。是一幅繡裙遺樣。非復武則天故物也。

定風波

淮陰侯釣臺有感

當時國士總無雙。寂寂荒臺臥夕陽。逐鹿追猴真善鬪。奔走山河提取送劉郎。不及野雞烹國狗。低首婦人謀定勝齊王。生死皆由女子手。誰咎悔教一飯重相將。

黃公曰。具千古作史大手筆。更具千古讀史大手眼。方能作此詞。方許讀此詞。

漁家傲

題曹雪鴻荆溪釣隱圖

曹子家居荆水畔。一簑烟雨堂中見。玉洞桃花看欲

遍誰兼擅。礮溪寫入鵝溪絹。明月爲鈞虹作線。虛舟一任頻回轉。與世浮沉山水願。將圖展風波此地。從君便。

芝田曰釣隱圖得此雪鴻子可以長畱天地矣

濟上登酒樓遊南池漫作和王仔園韻

碧柳垂絲花滿樹。池樓高下任城路。勝蹟千年傳李杜。誰畱住江山畱得詩人處。滿目悲風嗟日暮。縈堦點點飄紅素。入海莫隨烟霧去。悠然遇光芒萬丈雲天曙。

青墩月令和歐陽公鼓子詞

正。月。村。居。梅。信。早。輕。漸。解。凍。清。溪。遶。影。動。遊。魚。翻。荇。
藻。春。寒。峭。隔。村。幾。處。啼。春。鳥。城。市。喧。春。燈。正。好。數。
聲。橫。笛。閒。庭。悄。入。夜。淒。清。圓。月。皎。東。風。巧。小。烟。弄。柳。
晴。光。曉。

又

二。月。風。和。春。滿。院。遊。絲。兩。歇。朝。寒。淺。細。草。平。鋪。芳。徑。
軟。湘。簾。捲。新。巢。絮。語。雙。雙。燕。紅。杏。倚。牆。開。欲。遍。落。
梅。委。地。香。千。片。蝴。蝶。紛。飛。鷓。鴒。鳴。清。樽。勸。日。斜。繡。閣。

停針線

又

三月豔陽晴氣候。百花爛熳開清晝。萬紫千紅鋪錦繡。携纖手。繁香點點盈衣袖。搖曳沿溪千樹柳。撲天飛絮春塘皺。小艇載詩兼載酒。桃源口。疎林月出人歸後。

又

四月清和風景淑。濃陰萬樹圍新綠。麥穗垂垂豌豆熟。濃睡足。黃鸝喚起驚相逐。結子櫻桃簷畔簇。滿

林新笋。籬邊。蠹壓架。薔薇花。覆屋。西溪曲。半篙盪碎。
波文。穀。

又

五月溝塍新水漲。海榴照眼葵花放。徙倚柴門閒策杖。
秧針漾平疇。翠剪千層浪。赤日塲平鑿。架響黃雲擺。
稔人熙穰萬點魚。苗臨水餉層潭上。亭亭綠柄風搖颺。

又

六月炎蒸三伏節。古槐日午蟬聲咽。綠水紅蕖相映。

澈人清絕。驚迴午夢。松風冽。檻畔閩蘭和露折。簾
間茉莉堆香雪。浴罷晚涼吹木末。新茗啜。凭闌又送
纖纖月。

又

七月新涼。風淡沱。曝衣時節。陳瓜果。一葉梧桐秋色。
墮情無那。撲螢戲對雙星臥。菱角朝寒。青萬朵。雞
頭手擘珠千顆。不襪不巾。乘小舸。新雨過。白鷗飛點
溪烟破。

又

八○月○風○高○珠○露○冷○蓼○紅○蘆○白○裝○秋○景○皓○魄○一○輪○明○似○
鏡○波○光○映○空○庭○萬○頃○琉○璃○淨○老○桂○吹○香○芳○滿○徑○
枝○密○葉○墜○雲○暝○夜○永○亂○飄○金○粟○影○幽○夢○醒○人○間○亦○有○
清○虛○境○

又

九○月○輕○霜○拂○商○素○紛○披○黃○菊○籬○邊○吐○把○酒○持○螯○斜○日○
暮○閒○凝○竚○迷○離○衰○草○粘○雲○樹○醉○裏○茶○萸○應○細○數○江○
山○轉○瞬○悲○今○古○目○斷○西○風○江○上○路○登○高○處○青○墩○舊○是○
吳○興○墓○

墩爲吳興守沈法興葬地
唐書本傳法興赴江死

又

十月小春秔稻穫堆塲。困廩雞聲喔拾穗。兒童爭雀
躍開缸酌新筍。釀就田家樂。鴉舅霜酣紅灼灼。閒
花點綴叢林薄。風急一行寒雁落。驚剝啄華門客至
無人諾。

又

十一月履長添繡線。如船小閣擁爐暖。楫柚燒紅濁
酒滿。銀燭短。讀完几上殘書卷。向曉霏霏飄雪霰。
鋪銀堆粉江山換。獨上鶴樓迷望眼。人不見。漁蓑隱

約前溪岸。

又

十二月月窮陰遍野。小橋曲徑門低亞。曝背茅簷朝旭。曬真瀟灑。天然一筆營丘畫。枯樹饑烏聲啞啞。匡牀僵臥層樓下。冰筋寒凝樽懶把。迎年夜燈前妻女團圓話。

許子位曰僕與吳天篆各有蒼梧別業一賦簡括韶令情景相生斷推此十二闕

破陣子

有感

老去忽思戈甲春來欲臥沙塲紅散桃花銜紫勒白
映梨花點綠槍新推六郡良 帳下驚傳虎節軍前
初試魚腸鶴鶴一呼金馬動鼓角千山玉案長橫行
到夜郎

黃公日中有金戈鐵馬之聲誰
謂銅琵琶只唱得大江東去

金蕉葉

酬內寄新茶

蠶房細把旗槍別乳花蹴起磁甌雪珍重關山曾經
織手摩娑怯寄與文園消渴 淚波暗送春風隔舍

顰斜倚人愁絕。萬里歸來一枝碾。破愁千結好共二
泉同啜。

阮亭曰如此佳事
何必頭網八餅

青杏兒

獨夜

獨自倚山樓。孤雲晚簾。縠紋流。一天愁緒千行淚。絲
絲點點。舊愁如雨。新雨如愁。燈影怕凝眸。人影寂
衾影還留。雁聲嘹唳。蛩聲怨竹。聲淒切。泉聲鳴咽。齊
到心頭。

阮亭曰舊愁新雨妙不容言
後段連疊四聲字又出一奇

蘇幕遮

讀倦夜分婢進新茗戲用王敬美韻贈之

漏聲殘。蕉雨碎。半榻燈熒。不照江郎睡。兩兩雙鬟偏
解意。泉響松風剪燭添。沉水展磁甌。斟玉醑。恐怕
來朝曉。夢鶯催起。脉脉此情誰得似。情勝初嘗好試
春滋味。

阮亭曰鄭康成
婢恐不及此

落燈風

閨情集唐詩

五更惆悵迴孤枕

司空圖

玉容驚覺濃睡醒

張碧

梳洗

嬾無情

崔湜

荆釵任意撩新鬢

劉志堅

拂匣光臨鏡

崔灝

灑

忍使芳魂愁夜永

薛濤

珍珠簾外梧桐影

白居易

天

寒入剪刀

崔道融

葉下綺窗銀燭冷

耿漳

裁縫無處等

然孟浩

甘州遍

閱江樓觀射和唐人毛文錫韻

崧臺暖斜日海天低角弓齊雁行陣裏風輪絲上危

樓百尺聽鳴聲。營帳北。女牆西。報道右晴初。注情。
恍意猶迷。遙嘶影碧。草迹霜蹄。靖蠻奚。何須鐵騎。一
矢上雲梯。

鳳銜杯

端溪任兵備席上贈沉香杯

秋水片帆明似箭。又映帶烟巒。慈蔭有垂釣。任公鳴
箏挾瑟。開芳醺。還共舉梨花釀。質峻嶒。氣清遠。泛
玻璃。鷓鴣斑。擅拚一飲香浮。醉中海國壺中選。應勝
似涪陽象。

史庸菴曰此舜民卽席之作也隨筆點染寫得如許鉅麗舜民之才真可八十

醉春風

卽事

屈指三春盡重憶三秋信蕭郎何事別經年問問
欲語還停一杯殘酒一天幽恨臂約黃金褪淚剪
銀缸暈蕭娘對面隔天涯近近促坐藏鉤並肩倚
笑滿懷風韻

天石曰欲語還停問
仍不問故自蘊藉

有約

簾外梨雲冷。簾內蘭膏永。碧闌干畔有人行。等等。
繡幕風輕。紗窗月暗。芳心耿耿。往事重思省。未飲
先酩酊。悄聞侍女喚。低聲請請。請三載相思。半宵良
會。從今便肯。

黃公曰怨春風中三疊字個儂煞三疊字最難下
必妙兼雅俗工盡情詞方爲妥順每見近賢皆勉
強奏入舜民
倘得其妙

別況

清影微含態。紅玉偏生黛。侍兒淺覆夜溪杯。怪怪。
怪怪。五夜纔分三更欲別。一尊常在。醉裏常相愛。醒後

誰相對風光瞥去剩銷魂再再此夜離愁今番况
味滿船須載

原白曰別况如許正
恐載不起許多愁也

風中柳

宿西溪精舍和陳省公韻

天地蘧廬簷底白雲留宿繞清流幾間茅屋板橋幾
曲蒲帆幾幅漾晴光一簾新綠細筍叢生刪去短
塙孫竹覓荒園煮些溪簌青樽未足黃梁已熟享人
間塞翁真福

黃公曰不佞所居有萬竹溪得此趣舜老和眉
公韻何其詞氣亦似眉公耶才人無所不可

麥秀兩岐

羅芥焙茶

羅芥旗槍別廟後奇芬絕趁晴天齊採擷仙掌蘭茗
折携來輕篋枝和葉異香清冽細入筠盤列拍向
斑籠熱火初紅泉新汲焙就春風隔製成玉乳光瑩
紫金莖消渴

徐竹逸曰
可入茶史

酷相思

西江代內

簾捲簾垂朝復暮。斷送落紅無數。想杜鵑聲裏，人何處。春山也留君住，秋山也留君住。兩峰三竺，西泠渡。舊是同行路。總叮嚀燕子，渾無據。春江也隨君去。秋江也隨君去。

憶舊

小院深深簾影悄。心字篆烟微裊。聽琵琶欲撥相思調。花前也微微笑。樽前也微微笑。到得而今分散了。蠟淚溶溶曉。便夢中有路，渾難到。春風也儂知道。

春。雨。也。儂。知。道。

天石曰兩疊句如九重天樂雲外
飄來不特赤壁洞簫餘音嫋嫋也

芭蕉雨

雨中種芭蕉

草。帝。擅。名。幽。谷。却。移。來。種。向。闌。干。曲。過。雨。秋。容。新。沐。
一。任。風。裏。題。箋。天。邊。掛。綠。點。點。盈。堦。斷。續。似。恨。瀟。
湘。獨。怯。初。寒。怕。著。蕉。絲。服。閒。徙。倚。恁。無。聊。爲。誰。捲。盡。
芳。心。千。重。似。束。

品令

羅芥苦雨寄內

萬里歸來後。恨難別。今還又。自從分手。千行清淚。一
天消瘦。屈指端陽。最是傷心時候。情懷非舊。歎往
事。休回首。奈他幾疊青山。遮斷玉人翠袖。芥茗親携。
好待北窗晴晝。

阮亭曰。幾疊青山。遮斷玉人翠袖。非徐淑。泰嘉。一輩人不能道。

蒼梧詞卷五

武進董元愷舜民撰

會稽羅坤弘載評

同里龔百藥琅琊閱

中調二

行香子

湖濱卽事

青靄濛濛碧浪溶溶。小橋環影漾晴空。數間茅屋一
帶層峰。更幾竿竹幾枝柳幾株松。左呼歡伯右撫

孤桐吟成殘句付奚童。閒時泛棹醉後支筇。有杏花
烟桃花雨棟花風。

村居

水抱孤村籬掩閒門。似柴桑隔斷紅塵。嵐光澹草
色。繽紛恰花爲友。石爲丈竹爲君。烏程釀酒紫筍
翻春覺。翛然魚鳥相親。更邀野老共與評論。但一爐
烟一鉤月一簾雲。

冀琅琊曰一彈再鼓輒動結鄰借隱之思嗟乎大
地茫茫何處可容雙屐舜民此闕直補桃源記中
未載語矣

玉梅令

曹溪折梅花有感

玉人風韻洗鉛華。都盡曹溪滴水羅浮。近看巡簷索
笑。折取一枝枝。白。雪。輕。携。紅。英。微。襯。嶺頭香滿澗
邊。月。印。偏。隔。斷。江。南。春。信。只。無。根。零。落。更。素。影。淒。涼。
爭似我。天涯幽恨。

聲聲令

風雨阻黃浦憶弘載不得晤

滔滔江湧獵獵風狂。暗吹疎雨打篷窗。盈盈一水灑

不住淚千行。看咫尺烟波混茫。荒岸桃花花外霧。
映紅粧。青帘低捲帶垂楊。孤帆飄泊書半卷。酒盈觴。
還畱得遠夢淒涼。

錦纏道

泛太湖

萬頃琉璃著我扁舟一葉。溯流光高歌擊楫。恍疑天
上乘槎入破浪。憑虛穩泛魚龍宅。望蒼雪烟迷洞
庭雲黑。任滔滔五湖南北。聽榜人遙起漁歌。指風波
處處。總付霜天笛。

黃公曰指風波處處總付霜天笛子哭一最貴人
詩末句云江邊有漁父閒語荻花秋正此意蒼梧
澹合
我心

賣花聲

春晚和紀伯紫韻

落盡櫻桃萬點花飛一片繡窗閒初停鍼線無情蜂
蝶爭趁芳塵輭下香堦欲扶還倦遊絲飛絮好任
東風吹轉恨垂楊空庭又晚遙山暮雨淚染春江面
倚粧樓羅幃頻捲

遠公曰莫說莫
說傷觸我心

解珮令

詠柳

波紋漾漾春陰楚楚看青青垂樹樹暖暖寒寒醞
釀出花花絮絮又難禁風風雨雨稜稜腰瘦纖纖
睂嫵恨依依飄飄如許點點飛飛腸斷絕絲絲縷縷
却無端朝朝暮暮

阮亭曰疊字連貫而下正如千尺遊絲搖曳空際
唐人詩裊裊裊裊隨風急西樓美人春夢中翠簾
斜捲千條入語有
繁簡風度相似

青玉案

題孫無言半瓢居

恰平分風月半瓢孫。子滄洲半壁堆圖史。祗爲求全
莫必得半而止。算容膝只應如此。廉讓之間着我
於中位置。我生適志爲佳耳。瓠落無成。剖盡茫茫底
事。君莫笑一枝足矣。

程穆倩曰出經
入史亦雅亦騷

帶人嬌

春雨

無限春情細雨絲。絲如織帶。暝連陰天。做黑紅塵紫。

陌染就迷離色。闌干外。困柳欺花無力。此際佳人。
淚痕同濕。低飛燕子。偏憐惜。乍眠還醒。往事難重憶。
頻悵望芳草。王孫消息。

阮亭曰。陳大其年有句云。春陰簾外天。如墨僕嘗
歎其絕妙。雨夜讀舜民帶暝連陰一語。不覺擊節
文心何無盡也。

兩同心

得內寄詩

雙鴻鄭重尺鯉殷勤。烏絲展寄來。清淚銀鈎。劃啼隱。
殘痕。還反覆。模糊小篆。依約螺紋。讀罷別離情緒。

字字銷魂黃姑恨。曲拈紅豆綠窗語。燭映青樽每記得。客函時啓粉墨常新。

阮亭曰盤中織錦情以怨生那得如此香奩唱酬之樂

天仙子

閨情集唐詩

二八三五閨心切。王珣行拾落花比容色。王翰却愁

紅粉淚痕生。司空曙長思憶。韓偓何可得。元稹惟有風

光與踪跡。韓偓夜半酒醒憑檻立。王之涣暗想儀形

執刀尺。盧延遜誰憐夢好轉相思。韓偓魂欲絕。李白涕

如雪

李白

涼月清輝滿牀席

白居易

閨怨集唐詞

紅蠟半銷殘焰短

尹鶚

欹枕釵橫雲鬢亂

蜀後

好天

良月盡傷心

魏承

紗窗暖

金樽滿

毛文

何事狂

夫音信斷

顧夏

低語前歡頻轉面

馮延巳

却怕良宵

重夢見

顧夏

玉爐空裊寂寥香

馮延巳

珠簾捲

孫光憲

芳

草遠

孫光憲

舊恨年年秋不管

馮延巳

佳人醉

本事

繡戶輕綃低捲。翠帳春情難遣。正一樽引滿四肢微。
入玉憺香軟。倒鏡紅潮初暈。溜橫波粉膩桃花片。
鬢鬆釵。嬾倚郎扶。愁嫌婢見。笑影流蘇。顫春流淺。
頻携茗椀。好夢今宵未選。

齊賢曰詠佳人醉態無如唐人酒入四肢紅玉軟
矣而此詞添玉慵香軟四字體貼細膩更爲親切
覺李正封國色朝
酣已爲膚淺矣

月上海棠

送別

杜鵑聲裏垂楊暮。恨匆匆遠送郎行處。握手臨岐欲

將雙淚啼爲雨。畱君住博得片時歡聚。片時無計。堪畱住。奈東風反把郎吹去。妾靠東風。今朝却被東風誤。落花飛絮。都是相思路。

芝田曰。都是相思路。較天涯何處無芳草。更爲悲婉。

江城子

江城寄內

當時携手綠窗紗。月初斜。酒交加。閒說離人。莫自到天涯。真箇天涯今更遠。尋好夢。夢還賒。萬重烟水萬重沙。眺飛霞。聽歸鴉。節物驚心。兩鬢點霜華。折得

春來消息至。憑驛使。語梅花。

天石曰。好夢還賒。真成極遠。覺得行盡江南。數千里。尚有程途可紀。

小桃紅

詠小桃紅菊花

種。擅。秋。花。俊。色。比。春。花。嫩。拂。拂。丹。葩。斑。斑。紅。雨。一。天。
孤。韻。向。徵。君。籬。下。問。津。來。錯。把。桃。源。認。氣。暖。秋。風。
困。霜。點。春。風。暈。帶。醉。低。開。和。鶯。吹。折。鬢。邊。斜。襯。算。高。
人。晚。節。助。幽。人。銷。得。佳。人。恨。

連理枝

題蜀花宛酒之軒

山。色。松。鱗。老。樹。影。泉。聲。杪。斑。筠。密。緻。湘。簾。低。映。滿。軒。
風。篠。把。東。川。西。域。總。移。來。聽。南。窗。高。嘯。珠。帳。青。陰。
曉。錦。石。紅。巾。繞。離。離。馬。乳。聲。聲。杜。宇。露。垂。烟。裊。醉。涼。
州。細。認。蜀。宮。時。恰。恰。情。花。鳥。

千秋歲

夏日湖村偶詠

湖。波。開。朗。曲。岸。溪。流。響。新。畦。潤。松。風。漾。短。扉。炎。似。火。
老。圃。平。於。掌。登。塲。後。蒼。烟。翠。積。黃。雲。上。斗。斛。誇。豐。

穰姑婦爭勞攘。揜袖起傾缸。釀蘆塘。微月映茅舍。田歌唱更澁。後提燈。又欲叉魚往。

又

溝塍新漲樂歲今年廣。三五伴携車往。桔槔欣蘸水。天漢齊飛浪。平疇滿插勻。千頃如針樣。雨過增微爽。泥滑愁朝餉。看饑婦依依。狀加餐。隔歲米薄酒前。宵釀臨欲去。低徊怕過歌橋上。

阮亭曰欲奪
顧庵之席

離亭燕

旅燕

拂水。啣花。一片。恰。覩。雙。雙。輕。燕。問。爾。故。巢。何。處。是。似。
向。主。人。依。戀。飛。去。又。飛。來。恐。被。秋。風。吹。倦。誰。繫。紅。
綃。堪。羨。誰。寄。錦。書。如。面。冷。落。江。南。烟。水。候。會。到。舊。家。
庭。院。我。自。故。鄉。遙。夢。入。關。河。愁。斷。

西施 第二體

遊西施山

鏡湖春水影溶溶。一棹小橋通。稽山迴映處，石徑碧
玲瓏。爲想芡蘿村畔，纔離却，恰向土城中。浣紗當

日原無伴偏邀鄭旦相同還堪笑去筭填土孰爲容
剛得教成歌舞如花豔送入館娃宮

去筭填土越王夫人事見

國語

隔浦蓮近拍

醉後入瀟湖和陸放翁韻

扁舟遠泛暮景薄醉涼颼醒似隔淩淩浦幽香引入
清境低鎖雲萬頃芳蕖淨淥水明於鏡金波冷玉
人凭檻鴉翎亂挽猶整一船皓月斜送滿身花影斗
轉參橫閒夜永風靜夢回應到巫嶺

阮亭日和放翁處竟似放
翁才人筆端無所不可

師師令

席上贈晦仙

燭光紅透映玉人羅袖水盤薦處撥銀箏聽一縷新
詞譜就莫慣嬌嗔常阿母倩當筵消受停歌又把
鈎兒覆低換纖纖手暗將星眼擲兒郎釵影動眉梢
春漏底事因郎爭餉酒郎莫杯空否

黃公曰梅邨詩云斜倚局邊伴數子暗擡星眼擲
兒郎卽是拘攔中最解事語此詞云底事因郎爭
餉酒最是慧心女
郎暗地關情處

隔簾聽

詠彈箏

正。是。慙。慙。天。氣。十。五。盈。盈。女。十。三。絃。上。情。千。縷。看。玉。
比。蟬。鈿。銀。排。雁。柱。彈。再。鼓。動。春。織。當。窗。手。語。音。如。訴。
含。宮。嚼。羽。婉。轉。歌。喉。吐。斜。搗。慢。撚。相。思。譜。空。闈。似。
人。湘。江。淒。楚。瀟。瀟。雨。偷。將。淚。絲。重。數。

黃公日十三絃上情千縷妙句弟有詩
云手中七絃同一洞一絃一絃聲不同

風入松 第一體

閨憶

釵痕橫月。簾橫秋香冷。衾裯分明有個人。歡笑驚回
首。燭影虛留更待續。完殘夢。起來尋憶難休。一番
滋味一番愁。閒倚粧樓。眼前便倩知心伴。纔提起。欲
訴無由。願得情如流水流儂。直向江州。

阮亭曰。願得情如流水流儂。直向江州。二語逼似宋人。

傳言玉女

雪夜爲鄰女催粧

春暈微紅。消得繡簾微雪。殷勤青女。綰同心雙結。吳
鹽輕撒。詠絮風情親切。紗籠對引。碎瓊鋪設。說嫁

心驚鎮日粧臺癡絕嬌嗔阿母夫婿尤憐惜小捉養
娘私向窗前低說玉郎莫見簾錢時節

仔園曰全首花間
移入宋人不得

河滿子

婁江月夜追憶先二兄文友

天上依然皎皎人間一別茫茫彷彿婁江曾共被相
携共倒壺觴轉眼青樽紅燭回頭宿草衰楊留得
遺文千卷空教淚落琴牀想到孤墳今夜月誰存復
壁餘光夜雨機絲寡嫂春風書館兒郎

阮亭曰柳董士來見毘陵人輒
為惘然讀此益淩山陽之感

百媚娘

美人鞦韆

夢入春愁難妥日漾清陰淡鎖紅繩畫板旗雙颭欲
上翩然婀娜繡雀稜稜蟬翼軀掩映垂楊左燕剪
晴波頻墜鶻舞迴風輕過雲曳香綿搖綵柱糝落一
庭花朵蹴罷遺釵花下坐怯向花茵臥

曹南耕曰極意摹神又
能淡婉真作詞家名手

解蹀躞

聲乍囀吉了清音。自鸚鵡名秦吉了怕施朱翠只携來白雪
橫襟。想雪衣名獨擅素影沉沉展黃冠初暈檀心
羽蹁躑水簷畔詩句高吟玉奴夢醒伴梨花和月相
尋。

又詠紅鸚鵡

更奇毛難自秘時樂名聞。紅鸚鵡一記湘州尚炳遺名時樂鳥

文體金精舍火德羽翼繽紛秦宮入後鎖深籠一片

紅雲。想玉壺曾浴處色染靈芸正翩翩琥珀纓裙

語分明情婉轉報主恩勤。張說赤鸚鵡詩一見鸚鵡報恩鳥春多憶

侶喜丹丘赤鳳爲羣。

弘載日詠物至此工
麗雅切可稱極則

祝英臺近

訪祝英臺故宅用辛稼軒韻

碧鮮庵。画溪渡。目斷鴛鴦浦。庭院深深。盡日飛紅雨。
望中鳥啄遊絲。蝶粘飛絮。彷彿與芳魂同住。更愁
覩。禁得一樹棠梨。暗把春光。數生死情緣。聽盡流鶯
語。總教粧閣鐘聲。香奩佛火。長則任精靈來去。

天篆曰轉盼之間佛火鐘聲亦歸烏有豈惟香
奩粧閣乎恐前度劉郎到此又添一番憑弔矣

撲蝴蝶

詠蝶

紫燕黃鸝鳳子羣相趁。香國翩躚。自小生來韻。韓憑。
綠徑沾愁宋玉紅墻牽恨。鎮日桃花門巷。輕狂儘。
漆園曉夢方酣。不管人春困。羅巾撲後。怪粉殘香褪。
拖時裙袂難分飛上。釵梁欲暈。恐被多情錯認。

側犯

楊秋屏翳借飲芙蓉庵用周清真韻

茅庵負郭一池滌水明粧靚波定恰玉女凌波映奩

鏡暗香飄。曲檻飛靄。搖芳徑。風靜嬌欲語。亭亭弄粧影。橫塘雨過。微灑塵心。瑩應共省。儘壺觴錄事嚴觥。令良辰勝友。同歸酌。酹任他。月落碧梧金井。

芝田曰南州寓目無出芙蓉庵右者
秋紅零落消息猶存否讀罷凄然

四園竹

羅芥坐新竹下作

篔簹幽谷。樹樹翠琅玕。和烟滴露。負日凌雲。清節巒。吮舊梢長。新籜解。東風弄巧。一宵補盡殘山。忽驚看。叅差迸石穿籬。吹添碧玉。千竿晚色。斜侵書帙。響

借鳴泉素影。寒還試聽龍吟。鳳嘯空林。月又團。

御街行 第一體

王仔園同年招飲小輞川同吳天篆潘原白

程穆倩

輞川路轉紅橋下。巷僻多車馬。牙籤玉軸富裝潢。堆
繞一庭書畫。薜蘿牽屋。烟花滿砌。曲院真瀟灑。宜
城細釀杯頻把。侍立都閒雅。行厨雪片斫吳羹。銀燭
水盤高駕。分曹戲采。揮毫覓句。爛醉須今夜。

前調 第二體

元夜踏燈詞和徐夫人燕京元夜韻

百枝火樹千金屨。寶馬香塵不絕。飛瓊結伴試燈來。
忍把檀郎輕別。一回佯怒。一回微笑。小婢扶行怯。
石橋露滑。細鈎躡向。阿母低低說。姮娥此夜悔還無。
怕入廣寒宮闕。不如歸去。難忘疇昔。總是團圓月。
天山曰。暮寫情景。逼真。讀至不如歸去。覺一天燈火。博得清淚數行。恐嫦娥聽之。亦當婁絕。

一叢花

詠玫瑰花

玉人曉起惜春殘。花事正闌珊。賣花聲送粧臺畔。開

籃處豔紫濃殷萬朵氤氳一枝芬郁和露撚來看
檀郎昨向鬢邊安鎮日對紅顏從今採得花魂碎細
勻入湘摺羅紈別樣風流餘香旖旎猶擬傍雲鬟

天石曰空中渲染不着脂粉而香
色都現是暉南田沒骨寫生法

送入我門來

詠美人淚

玉筋初垂鮫珠初結依稀非霧非霞一聲河滿腸斷
雨如麻隔窗暗滴簾前竹却唾袖偏生石上花憶
自蕭郎去後長向星前月下擁髻嗟呀好倩飛鴻緘

寄與天涯秋波流。共春波遠。總萬點封成一縷紗。

過澗歇

過三十九澗踰襄王嶺入羅界

山疊疊。溪流曲曲。大似雷轟。細似珠瑤碎。玉聲聲續。
天際倒懸三峽。波漾千竿竹。石齒冷。入手寒。香沁新
綠。更聳身直上。鳥道清泉。羊腸翠麓。扶杖雲生足。
小憇松風看摘。春纖輕携。碧簍村火。幾處茶初熟。

阮亭曰山水詩自二謝至盛唐及韋柳諸家能事
盡矣終留此境以待舜民以此悟詩之變而爲詞
理固
然也

遊七星巖

山拔地巍然平陸峭壁飛崖。北斗兀立南澳靈光矗。
無數神工鬼斧。斲就玲瓏屋。烟霄迥。玉宇瓊樓。遍空
谷。拔蘿穿竇。入箭筈斜通。波濤亂蹴紫翠怡心目。
躡蹬樞衣。鍾乳垂珠。苔花疊錦。一枕潺湲。倚巖宿。

文殊臺瀑布

高臺上。矗立孤塔。下俯銀河。直接飛流三峽。聲闐鞞。
亂落萬山深處。衆響俱相答。驚懍恍。黯黹蛟龍。溼雲
合。西峰偏突起。獅子峻嶒。怒濤低壓耳畔。風蕭颯。

最上攜筇翠黛澄鮮。朱光煜燦。此景真得巨然法。

鎮西

踰黃蘆嶺度金鎖關

汾陽西指有插天垠。嶠。巨石棧。岡巒紛錯。躡。芒屨看
峰迴徑轉。亥磴螺盤。羊腸路惡。兩崖去天如削。列
城郭。倚崇墉絕頂。險同劍閣。剩荒垣斷雲殘角。誰疏
鑿。自一夫荷戟百萬臨關。逡巡前却。河山數重。扃鑰
其年曰陵谷險峭
筆鋒亦突兀趁人